

ISSN 2249-510X

A Peer Reviewed and Refereed Journal of  
Kashmiri Literature and Language  
Department of Kashmiri  
University of Kashmir

## وجودیت: اکھ مختصر تعارف

عادل محی الدین

تلخیص:

وجودیت چھ جدید فلسفک اکھ انگ یمیک خمیر زوال کس عہدس منز تیار سپد۔  
تاہم چھ امکو بیالو پھلو پاسکل (Pascal) تہ سینٹ آگسٹائیس ( St. Augustine )  
نشر تہ میلان۔ ستی چھ امیک سلسلہ نسب دویمین تمام فلسفیانہ  
نظریہن تہ نجن ہندو پاٹھی سقراطس ستر رلان۔ وول گوو کینہہ دانشور تہ مفکر چھ  
700 قبل مسیح روزن و اُلس اُکس چینی مفکر لاوزے یس  
(Lao-Tsze) فلسفہ وجودیتک گوڈ نیک علمبر دار مانان تہ ”TAO“ یا ”  
Nature“ فطرت اصطلاح ویرھناؤس دوران امہ نقطہ نظر بہک اظہار کو رمت  
اوس۔

کلیدی الفاظ: وجودیت، خمیر، فلسفیانہ، نصب، نجن۔

امہ علاوہ چھ ہندوستان کس ویدانت فلسفس منز تہ وجودی فلسفکو عنصر نظر گرہان۔ تاہم کو ر جدید دورس  
منز گنو ہمہ صدی ہندس اُخرس منز سورین کر کے کارڈن (Soren Kierkegaard) امہ نظر بہک

ضابطہ بند آغاز۔ ڈنمارک کس اُمس فلسفی لیس چھہ جدید دورک سقراط تہ و نہ امت۔ کر کے گارڈاوس فکری طور معتقد مذہبی وجودی (Religious existentialist) تہ اُمز سید نظر یہکو اثرات سپدی عالمگیر ثابت۔ تاہم چھہ اُمز سندین معتقدن زِ دُرُو۔ یکن منز چھہ ہیڈ گرتہ سارتر مقلدن ہندس تھہ دُرُس یا گروپس منز شامل یہنز فکر ملحدانہ چھہ۔ تہ دویمس دُرُس منز چھہ کارل جیسپر (Karl Jaspers) تہ جبرل مارسل (Gabriel Marcel) غیر مقلدانہ نظر یہکو قابل۔ یہ چھہ الگ کتھہ زِ وجودی فلسفین ہند تعداد چھہ واریاہ زیادہ البتہ چھہ کر کے گارڈ، ہیڈگر، سارتر، جیسپر تہ مارسل وجودیتکو اہم ستون مانہ۔ یوان۔ وول گوویمین فلسفین متعلق چھہ اہم کتھہ یہ زیم ہیکو نہ وجودیت کس گنہ منظم یا مرتب نظر یہس منز ہم آہنگی پاد کُرتھہ۔ تاہم چھہ منفی رجحان تہ میلان ہند حوالہ پانہ و اُنی ہم آہنگی۔ یم ساری مفکر چھہ مثبت خیال تہ نظر یہن مقابل کینشون مخصوص، طے شدہ تہ غالب فلسفیانہ مذہبی، اخلاقی، سماجی تہ ادبی رجحان تہ میلان خلاف یکت کُرتھہ۔ ڈاکٹر ابرار رحمانین چھہ اُمہ حوالہ لیو کھمٹ:

”وجودیت کا بنیادی عنصر موت کا شدید احساس ہے۔ کر کے گارڈ کے دور میں یہ مذہبی گروہوں، طبقوں، پارٹیوں اور ریاستوں کے دائرہ اختیار اور دباؤ کے بڑھ جانے کے سبب سے فرد کی آزادی فکر و عمل کو زبردست خطرہ لاحق ہونے کے نتیجے میں پیدا ہوا اور سارتر اور کامیوں کے عہد میں دو عالمی جنگوں کے نتیجے میں جس کی نمو ہوئی۔“۔

وجودیت کہ تعلقہ چھہ چونکہ مختلف مفکرن ہنز بیون بیون رایہ یوم مطابق انسانی وجود کہ اتفاقی تہ حادثاتی اہمیہ (Co-incident and accidental) ہند تصورن وجودی فلسفہ بنیاد فراہم کُرت۔ تہ تھہ ستر ستر کو ردو یو عالمی جنگو پتہ پاد سپدن و اُل انتشارن، پریشانی، کشمکش، بیزاری، گنرن تہ جرمکو احساس اتھہ اُکھنو زوزیتہ عطا۔ یہ نظر یہ چھہ زندگی ہنز بے معنویت واقف تہ یہ چھہ بھر پور اندازس منز تہ امکان کین حدن تام زندگی بامعنے تہ معیاری بناونہ چہ کوششہ منز آور، یہ فلسفہ چھہ فرد پسند تک

یا زامیک زور چھ تھ کتھ پیٹھ ز وجود (existence) چھ بے نظیر تہ بے مثال۔ اتھ چھنہ ہرگز یہ مطلب ز وجودی فلسفہ چھ خود غرضی ہند آیینہ دار بلکہ چھ یہ نظریہ انسان دوست تہ انسانی ہمدردی ہند جذبہ منز و زان۔ کر کے گاڈ چھ ڈیکاٹ ہند

I think therefore I am برعکس I am therefore I think اصولک قایل۔ کر کے گاڈ ہندی کئی چھ انسان سندن تمام مسلمان تہ مصیبتن، کربن تہ انتشارن ہند بنیادی وجہ اجتماعیت تہ تھ پاٹھ کئی چھن انفرادیت (Individualism) ہند تصور پنہ فکری استدلالہ ستر لافانی بناونچ کامیاب کوشش کر مثر۔ سہ چھ انسانیت کہ بقا بابت ذاتک صفات ستر ہم آہنگ آسنگ پاسدار۔ امی چھن وونمت:

”جو بے خدا ہے وہ لاشخص ہے اور جس کی کوئی شخصیت نہیں، وہ محروم ہے۔“

کر کے گاڈ چھ جدید انسان سنز ذاتس ستر وابستگی، داخلیت پسندی، خارجی دنیا نشہ کئی سبز بے زاری، فراریت تہ دوہین مریضانہ سوچن خارجی ماحولس ستر دوستانہ رویہ پانناونہ کس ر و لیس سماج دشمن مانان بیلہ زن اتھ برعکس نوہن تہ جدید شاعرن تہ ادیبن ہندن فن پارن منزیمے ذہنی رویہ غالب تہ تہ حاوی تہ چھ، تین چھ یہ وئن تہ ضروری ز وجودیت چھ نہ خارجی وو پر ازر (external alienation) مانان بلکہ چھ سارتر سندر کئی انسان سندر پرتھ کانہہ فاصلہ ذاتی مفاد بجایہ کلیم انسانی مفادک تہ انسانی پاپرجانی ہند ضامن آسان۔ تھے پاٹھ چھ یہ نہ وجودیت فرد سبز خود آگہی تہ مے محدود بلکہ چھ امکو حد عالم انسانیت کین خدشن، خطر تہ مسلمان تام پھہلتھ۔ ستر چھ وجودیت تھ مفروضس تہ نکاران ز انسان چھ خارجی دنیا نشہ بے زار تہ لاپرواہ سپد تھ بے حرکت تہ ساکن۔ وجودی فلسفہ چھنہ تجریدی فلسفہ تہ ساینسی خیالاتن یا نقطہ نظریہ کئی وجود چہ تفسیر تہ تشریح پیٹھ پڑھ تھاونہ کس فلسفس ناو، بلکہ موضوعیت تہ داخلیتس پیٹھ یقین کرنک فلسفہ۔ اتہ چھ یہ معروضی تہ تجریدی طریقہ کارس برعکس داخلی بصیرت تہ بصارتس ترجیح، ہم زندگی

ہندین مسلمان ستر مقابلہ کرنے خاطرہ انسانس حوصلہ چھہ بخشان۔ دؤہمین لفظن منز و نوز وجودیت چھہ سہ فلسفیانہ رجحان یس جوہرس (essence) مقابلہ وجودس (existence) تہ بالخصوص انسانی وجودس تہ امہ کس انفرادی، بے مثال تہ لاثانی آسنس تسلیم کران چھہ۔ مطلب یہ ز وجود چھہ جوہرس بروہہ تہ چھہ انفرادی تہ لاثانی اُنہ تہ پانس خیال تہ تصور کو حد و نہر کڈنج صلاحیت چھہ۔ وجودیتس ہیکہ نہ سائنس تہ فلسفہ تجزیہ کرتھ تہ نہ ہیکہ اتھ تام یکن بنیاذن پیٹھ وانتیار اُستھ۔ یہ چھہ انسانی آزادی ہند علمبردار تہ یہیہ آزادی چھہ اُمس پننیں عملن (Actions) ہندس پنجس منز و تلن والین غمن تہ عذابن، کشمکش، جدوجہد تہ اُندر جگہ باپت پانس ذمہ دار ٹھہراونس پیٹھ آمادہ کران تہ کاینات چہ بے ثباتی تہ بے معنویت منز تہ پن پان ارتقا پذیر آسنک جُرت تہ ہمت بخشان سستی چھس وجود چہ حقیقت تہ ماہیرہ ہندا احساس تہ دوان۔

وجودیت سپز زوال کس عہدس منز مقبول بیلہ مذہب رسم تہ رواجس تام محدودس سپد تہ بیلہ قدرن ہنز زوال پذیری ہندس پس منظرس منز انسان انتشارک شکار سپد۔ نتیجہ دراویہ ز انسانس سپد بدس عذابس تہ کربس تہ مرنہ کس خوس ستر تصادم بیہہ کنز سہ وجودی بحرانن (existential crises) منز ہینہ آو۔ اتھ اولنس منز ہینہ بینہ سببہ باسیوانسانس ز تصوراتی مابعد الطبیعیاتی، مذہب یا مذہبی روا یثا فلسفیانہ باریک پنی چھہ اُمر ہندین مسلمان ہند تدرک کرنس منز مددگار ثابیت سپد نکو اہل۔ بیہہ کنز سہ زندگی تہ وجود چہ معنویت ژہارنہ باپت جدوجہد کران چھہ۔ یوجین آنسکون چھہ اتھ صورتحالیس کن اشارہ تہ پٹھی کو رمت:

"Neither theology nor philosophy has enabled me to understand why I exist nor they have convinced me that we are obliged to make anything of our existence or that we

should or can give it a meaning." (2)

سائنس تہ ٹیکنالوجی تہ فلسفہ ستر ستر کو علم نفسیات تہ جدید انسان سندا ذہن متاثر۔ یہ علم بنیو و واریہس حدس تام انسان سبز جذباتی شخصیت ہند خاطر زہر۔ قدرن تہ رشتن درمیان گووشک پاد۔ اڈن پیو و شکھے یوت مگر کینون پھٹ قدرن تہ رشتن ہند سورے بزم۔ یو تام ز نخونی رشتن تام ژاو ژور۔ کائرس ادلس ستر تعلق تھاون والیو بیشتر نقادوچھ ہتہ پیہہ وجودیتس متعلق اشارن منزے صھی پنہ نین خیالن ہندا اظہار کو رمت تاہم چھ کائرس زبانی ہندی معتبر ادیب تہ نقاد پروفیسر مجروح رشید صابن پنہ کتابہ ”عصری کائرس شاعری“ منز جدید زندگی تہ اتھ ستر وابستہ دویمین کھری ناون، پیچید گین، نفسیاتی اندرٹن تہ وجودی مسکن گن بیمہ آہ اشار کو رمت ”تحلیل نفسی ین کو انسان alienate کرنس منز زبردس رول ادا۔ علم نفسیات آیو امہ موکھہ بارسس زیہ بچاوان انسان اعصاب زدگی نشہ مگر سپد اتھ برعکس تہ تحلیل نفسی بنیو واعصاب زدگی ہندا بیا کھ سبب۔ اعصاب زدگی چھنہ Repression ستر پاد گروہان بلکہ انسان سبز نااہلیت ستر بیلہ نہ سہ پننن تجرب بن کا نہہ معنہ چھ ہرکان اتھ تہ پیہہ بیلہ نہ سہ ماحولس ستر کا نہہ تعلق چھ ہرکان پاد کر تھ۔ او کڑ گئے انسانی زندگی متعلق تھ سوال پاد یمن منز انسان سندا اتھ نفسیاتی تہ روحانی صورت حالس شعوری کیو لاشعوری طور باو تھ تیج۔ وجودی نظریہ سپد اتھ دوران واریاہ مقبول تکیا زیہ اوس امہ زمانہ چن خاصون تہ خصوصون زبر پائٹھی واقف تہ اتھ منز چھ جدید انسان سندا رس رو حانی کربس ٹھیک پائٹھی آنہ ہاونہ آمت۔ یہ تہ چھ اکھ عام تصور ز جدیدیت چھے وجودی فلسفہ تو سبب تکیا ز جدیدیتک فکری پوت منظر تہ وجودیت چھ پانہ وانی ہم آہنگ، دوشونی منز چھ انسان سبز تہائی، وودا سی، ناامیدی، واراگ، و ہونی دگ، پتھ کال پرستی تہ ذہنی انتشارس سبٹھاہ اہمیت دینہ آہمز۔

پز چھ یہ ز وجودیت چھ موجودہ تہذیبی بحران تہ انتشارک نتیجہ۔ مغربس منز کو رکر کے کارڈن (گنو ہمہ صدی منز) یہ خطر شدتہ سان محسوس ز ٹر سند ملک ڈنمارک (Denmark) چھ پیہہ اکہ لٹہ

وقتکہ تسلسل کہ رشتہ نشہ دور یومت یہ تھ تمہ دورک عالمگیر تہذیبی المیہ ناودیت، تکیا زامہ دور پچ سیاسی زندگی اُس ہوس، خود غرضی، مریضانہ انانیت، انتہا پسندی تہ دویمین منفی روین ہنز گڈھ بنے مژ۔ یو ہے ذہنی انتشار بنیو وچھیکرس دون عالمی جنگن ہند باعث، یوم معصوم انسانن ہند قتل عام کرتھ انسان سنزن حیوانی نصلون ہند بھر پور اظہار کور تہ انسانی زندگی ووتھ مول بیمہ کنو انسان کیمین کرپلن نزدیک ووت۔ دہشت تہ خوف و حرصکو ماحولن کور پریتھ طرفہ عدم تحفظ پاد۔ عدم تحفظک خطر آونہ صرف مقامی بلکہ عالمی سوتھرس پیٹھ محسوس کرنہ۔ شاعرن، ادیبن، فلسفین، معتقدن، غیر معتقدن، غرض پریتھ اُکس سرن تہ سوچن و اُلس جدید انسانس سپد امہ نفسیاتی خلاہک (vacuum) ادراک۔ نتیجہ دراویہ ز انسانی وجود (Existence) بنیو و انسانی سوچک تہ فکر ہند مرکزی نوکتہ۔

اجدیدیت اور شمس الرحمن فاروقی۔ ص ۹۵

Existentialism & Modern Pre-decart, New York. p 36